

**Қазақстан Республикасының Үкіметі мен Беларусь Республикасының Үкіметі арасында Салық заңдарын сақтау мәселелері бойынша ынтымақтастық пен өзара көмек жөнінде келісім жасасу туралы**

Қазақстан Республикасы Үкіметінің қаулысы 2000 жылғы 6 қыркүйек N 1350

Қазақстан Республикасы Президентінің "Қазақстан Республикасының халықаралық шарттарын жасасу, орындау және күшін жою тәртібі туралы" 1995 жылғы 12 желтоқсандағы N 2679 U952679\_ заң күші бар Жарлығының 7-бабы 2) тармақшасына сәйкес Қазақстан Республикасының Үкіметі қаулы етеді:

1. Қазақстан Республикасының Үкіметі мен Беларусь Республикасының

Үкіметі арасында Салық заңдарын сақтау мәселелері бойынша ынтымақтастық пен өзара көмек жөнінде келісім жасалсын.

2. Осы қаулы қол қойылған күнінен бастап күшіне енеді.

Қазақстан Республикасының  
Премьер-Министрі

Жоба

Қазақстан Республикасының Үкіметі мен Беларусь Республикасының  
Үкіметі арасындағы Салық заңдарын сақтау мәселелері бойынша  
ынтымақтастық пен өзара көмек жөніндегі  
КЕЛІСІМ

Қазақстан Республикасының Үкіметі мен Беларусь Республикасының  
Үкіметі (бұдан әрі - Тараптар),  
салық заңдарын сақтау мәселелері бойынша халықаралық ынтымақтастық  
пен өзара көмектің маңыздылығын ескере отырып,  
осы мақсаттарда бір-біріне кең-көлемде жәрдем көрсетуді қалай  
отырып, төмендегілер жөнінде келісті:

1-бап

Терминдердің айқындауы

Осы Келісімнің мақсаттары үшін қолданылатын терминдер мынадай

мағыналарды білдіреді:

"құзыретті салық органдары":

Қазақстан Тарапынан - Қазақстан Республикасының Мемлекеттік кіріс министрлігі;

Беларусь Тарапынан - Беларусь Республикасының Мемлекеттік Салық Комитеті;

сұрау салатын салық қызметі - мемлекетінің құзыретті салық органы салық мәселелері бойынша жәрдем көрсету туралы сұрау салатын Тарап (бұдан әрі - жәрдем туралы сұрау салу);

"сұрау салынатын салық қызметі" - мемлекетінің құзыретті салық органы жәрдем ету туралы сұрау алатын Тарап.

## 2-бап

### Осы келісімнің қолданылу саласы

Салық заңдарының тиісті орындалуын қамтамасыз ету мақсатында Тараптар өз құзыретті салық органдары арқылы бір-біріне өзара жәрдем көрсетеді:

салық заңдарын бұзушылықты болдырмау және (немесе) жолын кесуде; заңды және жеке тұлғалардың салық заңдарын сақтауы туралы ақпаратты

жәрдем ету немесе бастамалық тәртіп туралы сұрау салу бойынша ұсынуда;

салық заңдарындағы ұлттық салық жүйелері және ағымдағы өзгерістер туралы ақпаратты беруде;

салық органдарының қызметін қамтамасыз ететін компьютерлік жүйелерді құруда және қалыптастыруда;

салық заңдарын сақтауды бақылауды қамтамасыз ету жөніндегі әдістемелік нұсқамаларды әзірлеуді қоса салық төлеушілермен және салық органдарымен жұмысты ұйымдастыруда;

кадрларды оқыту және салық қызметінің қызметкерлерінің тағылымдамасын өту саласында;

бірлескен әрекеттер талап ететін басқа да мәселелер бойынша.

Осы Келісімнің ережесі Тараптар арасында жасалған өзге де келісімдерге сәйкес құзыретті салық органдарының ынтымақтастығына кедергі жасамайды.

## 3 бап

## Жәрдем ету туралы сұрау салудың нысаны және мазмұны

Жәрдем ету туралы сұрау салу құзіретті органда құжаттарды оның қарауы үшін қажетті қосымшалармен жазбаша түрде жіберіледі. Төтенше жағдайларда жәрдем ету туралы сұрау салу мүмкіндігінше қысқа мерзімдерде оны жазбаша растаумен ауызша нысанда жасалуы мүмкін.

Жәрдем ету туралы сұрау салу өзіне мыналарды енгізуі мүмкін:

сұрау салатын салық қызметінің атауын;

сұрау салынатын салық қызметінің атауын;

сұрау салудың мақсаты мен себебін;

сұрау салу жасалатын салық төлеушінің аты (есімі) және мекен-жайын;

сұрау салудың мәнін қысқаша жазу және салықтар мен алымдардың қаралатын кезеңін және нақты түрлерін көрсете отыра олармен байланысты заңды міндеттемелерін.

Сұрау салу орыс тілінде жасалуы керек.

Сұрау салатын салық органы жәрдем ету туралы алынған сұрау салу бойынша қосымша ақпаратты талап етуге құқылы.

### 4 бап

#### Жәрдем ету туралы сұрау салуды орындау тәртібі

Құзіретті салық органдары бір біріне өз мемлекеттерінің ұлттық заңдарына және осы Келісімге сәйкес жәрдем көрсетеді.

Сұрау салатын салық органы оның өтінішін бойынша жәрдем ету туралы сұрау салуды орындауды жүзеге асыратын әрекеттерді өткізудің уақытымен және орнымен х а б а р л а н у ы м ү м к і н .

Егер жәрдем ету туралы сұрау салу сұрау салатын салық органымен

орындалмаған болса, ол сұрау салудың түсуі күнінен бір ай мерзімінде осы туралы жәрдем етуден бас тарту себебін көрсете отыра сұрау салатын салық органына жазбаша хабарлайды.

Тараптардың салық қызметтері осы Келісімді орындаумен байланысты шығындарды өтеудің кез-келген талаптарынан бас тартады.

Осы Келісімді орындаумен байланысты тікелей шығындарды өтеуді бастамашы болып табылатын Тарап жүргізеді.

## 5 бап

### Ұсынылатын ақпараттың мазмұны

Қүзіретті салық органдары өз бастамасы немесе жәрдем ету туралы сұрау салу бойынша мыналарға қатысты ақпаратты бір біріне ұсынады:

заңды тұлғаларды, олардың филиалдары және өкілдіктерінің олардың орналасқан жері, бағыныштылығы, меншік нысаны және басқалары туралы деректерді қоса т і р к е у д і ;

заңды және жеке тұлғалардың мемлекеттік және коммерциялық банктердегі шоттарын ашуды, сондай-ақ оларда ақша қаражаттарының барлығын және (немесе) қ о з ғ а л ы с ы н ;

салық салумен байланысты төленген салықтар және (немесе) алымдардың сомаларын немесе басқа ақпаратты Тарап мемлекеттерінің аумағында алынған заңды тұлғалардың салық салу кірістері мен объектілерінің барлық түрлерін.

## 6 бап

### Құжаттарды және басқа материалдарды ұсыну

Сұрау салатын салық қызметі жәрдем ету туралы сұрау салу бойынша нормативтік құқықтық актілерді, салық зерттеуін орындау үшін қажетті құжаттар мен басқа да материалдардың куәландырылған көшірмелерін ұсынады.

Құжаттар мен басқа да материалдардың түпнұсқалары сот талқыламасы жағдайында талап етілуі мүмкін.

Тиісті ақпаратты берумен материалдар электрондық тасығыштарда ұсынылуы мүмкін.

## 7 бап

### Ақпаратты беру тәртібі

Жәрдем ету туралы сұрау салулар, құжаттар, материалдар және басқа ақпарат Тараптардың келісімі бойынша айқындалатын тәртіпте беріледі.

Жәрдемдесу күзіретті салық органдарының басшылары айқындайтын ресми лауазымды тұлғалардың тікелей байланысы шегінде жүзеге асырылады.

## 8-бап

## Құпиялылықты сақтау

Нақты салық төлеушілерге қатысты ақпарат құпия болып табылады және сұрау салатын салық қызметінің талаптарына сәйкес қорғау режимімен қамтамасыз етіледі.

Алынған ақпарат Тараптармен тек осы Келісімде көзделген, соның ішінде әкімшілік немесе сот талқыламасы мақсаттарында ғана пайдаланылуы мүмкін. Өзге де мақсаттар үшін ақпарат тек қана сұрау салынатын тараптың келісімімен пайдаланылуы мүмкін.

### 9-бап

#### Осы Келісімнің орындалуы

Осы Келісімді түсіндіруде немесе қолдану кезінде пайда болуы мүмкін даулы мәселелерді реттеуде Тараптар өзара келісім жетістігіне жетуге тырысады.

Тараптар осы Келісімді іске асыру барысын бағалау және оған өзгерістер енгізудің орындылығын бағалау үшін қажеттілік жағдайында кеңес өткізеді. Осындай кеңестерінің мерзімін Тараптар қосымша айқындайды.

Осы Келісім ережелерін іске асыру мақсатында Тараптар кейбір мәселелер бойынша қосымша келісімдер жасай алады.

### 10-бап

#### Өзгерістер және толықтырулар

Тараптардың өзара жазбаша келісімдері бойынша осы Келісімге осы Келісімнің бөлінбейтін бөлігі болып табылатын хаттамалармен рәсімделген өзгерістер мен толықтырулар енгізе алады.

### 11-бап

#### Осы Келісім әрекетінің күшіне енуі және тоқтатылуы

Осы Келісім белгісіз мерзімге жасалынады және Тараптардың оның күшіне енуі

үшін қажетті ішкі мемлекеттік рәсімдерді орындағаны туралы соңғы жазбаша хабардар етілген күнінен бастап күшіне енеді.

Әрбір Келісуші Тарап осы Келісімнің қолданылуын басқа Тарапты жазбаша

хабардар ету жолымен тоқтатылады. Келісім тиісті Тараптан хабардар алған күннен бастап алты айдан кейін қызметін тоқтатады.

2000 жылдың \_\_\_\_\_ каласында әрбір данасы қазақ, беларусь және орыс тілдерінде екі данадан жасалды, мұның өзінде барлық мәтіндердің бірдей заң күші бар.

Осы Келісімнің ережелерін түсіндіруде келіспеушілік туындаған жағдайда Тараптар орыс тіліндегі мәтінді басшылыққа алады.

Қазақстан Республикасының                      Беларусь Республикасының  
Үкіметі үшін    Үкіметі үшін

Мамандар:

Қобдалиева Н.М.

Орынбекова Д.К.